

	<h1>SLUŽBENE NOVINE OPĆINE GORAŽDE</h1>	
<b>Godina IV</b>	<b>08. Februar 2011. godine GORAŽDE</b>	<b>Broj 1</b>

**0585**

**Član 3.**

Na osnovu člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Bosansko-podrinjskog kantona Goražde", broj: 01/08 i "Službene novine Općine Goražde", broj: 03/08, 01/09 i 04/10) i članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07), Općinsko vijeće Goražde, na 28. redovnoj sjednici, održanoj dana 27.01.2011. godine

Ukoliko Općina Goražde sa licem iz člana 1. ne zaključi ugovor o korištenju ovog poslovnog prostora u roku od 30 dana od dana stupanja na snagu ove Odluke, ista prestaje da važi.

**d o n o s i:**

**Član 4.**

## O D L U K U

**o davanju na korištenje poslovnog prostora u vlasništvu Općine Goražde Udruženju demobilisanih boraca Armije BiH Bosansko-podrinjskog kantona Goražde**

Budući korisnik poslovnog prostora iz člana 1. ove Odluke dužan je vršiti redovno održavanje poslovnog prostora, te ga održavati u ispravnom stanju o vlastitom trošku, plaćati režijske troškove (struja, voda, kanalizacija i dr.) kao i ostale zakonom propisane obaveze – PDV u iznosu od 17,85 KM (21 m<sup>2</sup> X 5 KM = 105KM X 17 % PDV = 17,85 KM).

**Član 5.**

**Član 1.**

**Općina Goražde** daje na korištenje, na određeno vrijeme, na rok od 5 godina, bez naknade, poslovni prostor površine 21 m<sup>2</sup>, koji se nalazi u Ulici Seada Sofovića Sofe br. 9 (zgrada bivše pošte) u Goraždu, **Udruženju demobilisanih boraca Armije BiH Bosansko-podrinjskog kantona Goražde**, za rješavanje poslovnog sjedišta.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj:01-05-489  
Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
Kenan Kanlić

**Član 2.**

Ovlašćuje se načelnik Općine da zaključi ugovor o korištenju poslovnog prostora iz člana 1. ove Odluke, kojim će se regulisati bliža prava i obaveze ugovornih strana.

**0586**

Na osnovu člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Bosansko-podrinjskog kantona Goražde", broj: 01/08 i "Službene novine Općine Goražde", broj: 03/08, 01/09 i 04/10) i članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07), Općinsko vijeće Goražde, na 28. redovnoj sjednici, održanoj dana 27.01.2011. godine,

**d o n o s i:****O D L U K U**

**o davanju na korištenje poslovnog prostora u vlasništvu Općine Goražde  
Udruženju Savez dobitnika najvećih ratnih priznanja Bosansko-podrinjskog kantona Goražde**

**Član 1.**

**Općina Goražde** daje na korištenje, na određeno vrijeme, na rok od 5 godina, bez naknade, poslovni prostor površine 20 m<sup>2</sup>, koji se nalazi u Ulici Gamal Abdel Ganema b.b. (u prizemlju zgrade Privredne komore Bosansko-podrinjskog kantona Goražde) u Goraždu, **Savezu dobitnika najvećih ratnih priznanja Bosansko-podrinjskog kantona Goražde**, za rješavanje poslovnog sjedišta.

**Član 2.**

Ovlašćuje se načelnik Općine da zaključi ugovor o korištenju poslovnog prostora iz člana 1. ove Odluke, kojim će se regulisati bliža prava i obaveze ugovornih strana.

**Član 3.**

Ukoliko Općina Goražde sa licem iz člana 1. ne zaključi ugovor o korištenju ovog poslovnog prostora u roku od 30 dana od dana stupanja na snagu ove Odluke, ista prestaje da važi.

**Član 4.**

Budući korisnik poslovnog prostora iz člana 1. ove Odluke dužan je vršiti redovno održavanje poslovnih prostorija, te ih održavati u ispravnom stanju o vlastitom trošku, plaćati režijske troškove (struja, voda, kanalizacija i dr.) kao i ostale zakonom propisane obaveze – PDV, iznosu od 17,00 KM (20 m<sup>2</sup> x 5 KM = 100,00 KM x 17 % PDV=17,00 KM).

**Član 5.**

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj:01-02-492

**Goražde, 31.01.2011.godine****ZAMJENIK PREDSJEDAVAJUĆE VIJEĆA**

Kenan Kanlić

**0587**

Na osnovu člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Bosansko-podrinjskog kantona Goražde", broj: 01/08 i "Službene novine Općine Goražde", broj: 03/08, 01/09 i 04/10) i članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07), Općinsko vijeće Goražde, na 28. redovnoj sjednici, održanoj dana 27.01.2011.godine

**d o n o s i:****O D L U K U**

**o davanju na korištenje poslovnog prostora u vlasništvu Općine Goražde,  
Udruženju "Josip Broz Tito" Goražde, Udruženju antifašista i boraca NOR-a  
1941-1945. godine i Udruženju logoraša Bosansko-podrinjskog kantona Goražde**

**Član 1.**

**Općina Goražde** daje na korištenje, na određeno vrijeme, na rok od 5 godina, bez naknade, poslovni prostor površine 16 m<sup>2</sup>, koji se nalazi u Ulici Seada Sofovića Sofe br. 9 (zgrada bivše pošte) u Goraždu, **Udruženju "Josip Broz Tito" Goražde, Udruženju antifašista i boraca NOR-a 1941-1945. godine i Udruženju logoraša Bosansko-podrinjskog kantona Goražde**, za rješavanje poslovnog sjedišta.

**Član 2.**

**Ovlašćuje se načelnik Općine da zaključi ugovor o korištenju poslovnih prostorija iz člana 1. ove Odluke kojim će se regulisati bliža prava i obaveze ugovornih strana.**

**Član 3.**

Ukoliko Općina Goražde sa licima iz člana 1. ne zaključi ugovor o korištenju ovih poslovnih prostorija u roku od 30 dana od dana stupanja na snagu ove Odluke, ista prestaje da važi.

**Član 4.**

Budući korisnici poslovnog prostora iz člana 1. ove Odluke dužni su vršiti redovno održavanje poslovnog prostora, te ga održavati u ispravnom stanju o vlastitom trošku, plaćati režijske troškove (struja, voda, kanalizacija i dr.) kao i ostale zakonom propisane obaveze – PDV, iznosu od 13,60 KM (16 m<sup>2</sup> x 5 KM = 80,00 KM x 17% PDV = 13,60 KM).

**Član 5.**

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj:01-02-493  
Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0588**

Na osnovu člana 23. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Bosansko-podrinjskog kantona Goražde", broj: 01/08 i "Službene novine Općine Goražde", broj: 03/08, 01/09 i 04/10) i članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07), Općinsko vijeće Općine Goražde, na 28. redovnoj sjednici, održanoj dana 27.01.2011.godine

**d o n o s i:****O D L U K U**

**o produženju ugovora o davanju na korištenje poslovnih prostorija u vlasništvu Općine Goražde Bošnjačkoj zajednici kulture "Preporod" u BiH - Općinsko društvo Goražde**

**Član 1.**

Općina Goražde produžava postojeći ugovor o davanju na korištenje poslovnih prostorija na određeno vrijeme na rok od 5 godina, bez naknade, poslovni prostor površine 67 m<sup>2</sup>, u vlasništvu Općine Goražde, koje se nalaze u ulici Ferida Dizdarevića br.21. u

Goraždu, **Bošnjačkoj zajednici kulture "Preporod" u BiH - Općinsko društvo Goražde**, radi rješavanja njihovog sjedišta.

**Član 2.**

Ovlašćuje se načelnik Općine da zaključi ugovor o davanju na korištenje poslovnih prostorija iz člana 1. ove Odluke, kojim će se regulisati bliža prava i obaveze ugovornih strana.

**Član 3.**

Ukoliko Općina Goražde sa licem iz člana 1. ne zaključi ugovor o davanju na korištenje ovog poslovnog prostora u roku od 30 dana od dana stupanja na snagu ove Odluke, ista prestaje da važi.

**Član 4.**

Korisnik poslovnih prostorija iz člana 1. ove Odluke dužan je vršiti redovno održavanje poslovnih prostorija, te ih održavati u ispravnom stanju o vlastitom trošku, plaćati režijske troškove (struja, voda, kanalizacija i dr.) kao i ostale zakonom propisane obaveze – PDV u iznosu od 56,95 KM (67 m<sup>2</sup> x 5 KM=335,00 KM x 17 % PDV = 56,95 KM).

**Član 5.**

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-490  
Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0589**

Na osnovu člana 18. i 84. Statuta Općine Goražde („Službene novine Bosansko – podrinjskog kantona Goražde“, broj: 13/07), Općinsko vijeće Općine Goražde, na 28. redovnoj sjednici, održanoj dana 27.01.2011. godine, **d o n o s i:**

**O D L U K U**

**o izmjeni Odluke o izmjenama naziva ulica, trgova, mostova i ustanova na području općine Goražde**

**Član 1.**

U članu 1. Odluke o izmjenama naziva ulica, trgova, mostova i ustanova na području općine Goražde, broj: 01-023-61/96 od 12.10.1996. godine, u

dijelu koji se odnosi na Mjesnu zajednicu Goražde II, mijenja se naziv ulice pod rednim brojem 44. "Višegradska" u ulicu "1. slavne višegradske brigade".

## Član 2.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-496  
Goražde, 31.01.2011. godine

### ZAMJENIK PREDSJEDAVAJUĆE VIJEĆA

mr. Kenan Kanlić

#### 0590

Na osnovu člana 18. i 84. Statuta Općine Goražde („Službene novine Bosansko – podrinjskog kantona Goražde“, broj: 13/07) i Poslovnika Općinskog vijeća Općine Goražde („Službene novine Općine Goražde“, broj: 2/08), Općinsko vijeće Općine Goražde, na 28. redovnoj sjednici, održanoj dana 27.01.2011. godine, d o n o s i:

## ODLUKU

### o ustupanju na upravljanje dječijih igrališta

#### I.

Ovom Odlukom Općina Goražde ustupa izgrađena dječija igrališta na području općine na upravljanje Javnom preduzeću "Sportsko-privredno-kulturni centar" d.o.o. Goražde.

#### II.

Dječija igrališta koja se ustupaju na upravljanje Javnom preduzeću "Sportsko-privredno-kulturni centar" d.o.o. Goražde su:

- U ul. Višegradska, izgrađeno na parceli označenoj kao k.č. 1521 i 1505/1, KO Goražde II MZ Goražde II,
- U ul. Ferida Dizdarevića, izgrađeno na parceli označenoj kao k.č. 701/2, 704/10 i 703, KO Goražde II, MZ Goražde III,
- U naselju Bare, izgrađeno na parceli označenoj kao k.č. 1033, KO Goražde II, MZ Goražde III,
- U naselju Grabovik, izgrađeno na parceli označenoj kao k.č. 2338, KO Goražde I, MZ Goražde I,
- U naselju Zupčići, izgrađeno na parceli označenoj kao k.č. 1620, KO Goražde II, MZ Zupčići,
- U naselju Rešetnica, izgrađeno na parceli označenoj kao k.č. 186/1, KO Vranići, MZ Rešetnica,

- U naselju Mravinjac, izgrađeno na parceli označenoj kao k.č. 6076/1 KO Vranići, MZ Mravinjac.

a koja su izgrađena na zemljištu na koje pravo raspolaganja i korištenja ima Općina Goražde

#### III.

Sva igrališta koja nisu izgrađena, a zemljište je namijenjeno za gradnju dječijih igrališta, kada se izgrade, ustupit će se na upravljanje Javnom preduzeću "Sportsko-privredno-kulturni centar" d.o.o. Goražde.

#### IV.

Prilikom preuzimanja dječijih igrališta sačinice se zapisnik o preuzetom stanju.

#### V.

Ovlašćuje se Načelnik Općine Goražde da zaključi ugovor sa direktorom Javnog preduzeća "Sportsko-privredno-kulturni centar" d.o.o. Goražde, u kojem će detaljno biti uređena međusobna prava i obaveze.

#### VI.

Sredstva za održavanje dječijih igrališta obezbijedit će se u Budžetu Općine Goražde na posebnom kodu.

#### VII.

Javno preduzeće "Sportsko-privredno-kulturni centar" d.o.o. Goražde će osnivaču, Općini Goražde, podnijeti izvještaj o stanju i poduzetim aktivnostima na održavanju dječijih igrališta na kraju kalendarske godine.

#### VIII.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-487  
Goražde, 31.01.2011. godine

### ZAMJENIK PREDSJEDAVAJUĆE VIJEĆA

mr. Kenan Kanlić

#### 0591

Na osnovu člana 18. i 84. Statuta Općine Goražde („Službene novine Bosansko – podrinjskog kantona Goražde“, broj: 13/07), Općinsko vijeće Općine Goražde, na 28. redovnoj sjednici, održanoj dana 27.01.2011. godine, d o n o s i:

**O D L U K U**  
**o dopuni Odluke o izmjenama naziva ulica,**  
**trgova, mostova i ustanova**  
**na području općine Goražde**

**Član 1.**

U članu 1. Odluke o izmjenama naziva ulica, trgova, mostova i ustanova na području općine Goražde, broj: 01-023-61/96 od 12.10.1996. godine, u dijelu koji se odnosi na Mjesnu zajednicu Goražde I i Mjesnu zajednicu Goražde III, iza naziva "Most Alije Izetbegovića" dodaje se novi stav koji glasi: "Mostu ispod mosta 'Alije Izetbegovića' daje se ime 'Most spasa'."

**Član 2.**

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-495  
Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
 mr. Kenan Kanlić

**0592**

Na osnovu člana 15. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Bosansko-podrinjskog kantona Goražde", broj: 01/08 i "Službene novine Općine Goražde", broj: 03/08, 01/09 I 04/10) i članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07), Općinsko vijeće Goražde, na 28. redovnoj sjednici, održanoj dana 27.01.2011. godine,

**d o n o s i:**

**O D L U K U**

**o davanju u zakup garaže u vlasništvu Općine Goražde**

**Član 1.**

**Općina Goražde** daje u zakup, na osnovu javnog oglasavanja, na određeno vrijeme, na rok od 5 godina, garažu broj 4, koja se nalazi u ulici 1. drinske brigade b.b. u Vitkovićima, **Maslo Medini** iz Vitkovića, za smještaj putničkog vozila, uz mjesečnu zakupninu od **18,00 KM + PDV**, što ukupno iznosi **21,06 KM**.

**Član 2.**

Ovlašćuje se načelnik Općine da zaključi ugovor o zakupu garaže iz člana 1. ove Odluke, kojim će se regulisati bliža prava i obaveze ugovornih strana.

**Član 3.**

Ukoliko Općina Goražde sa licem iz člana 1. ne zaključi ugovor o zakupu ove garaže u roku od 30 dana od dana stupanja na snagu ove Odluke, ista prestaje da važi.

**Član 4.**

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj:01-02-494  
Goražde, 31.01.2011.godine

**ZAMJENIK PREDSJEDAVAJUĆE VIJEĆA**  
 mr. Kenan Kanlić

**0593**

Na osnovu člana 38. stav 1. Zakona o prostornom uređenju i građenju Bosansko-podrinjskog kantona Goražde, ("Službene novine Bosansko-podrinjskog kantona Goražde", broj: 15/09) i člana 18. i 84. Statuta Općine Goražde, ("Službene novine Bosansko-podrinjskog kantona Goražde", broj: 13/07), Općinsko vijeće Općine Goražde, na dvadeset osmoj redovnoj sjednici, održanoj dana 27.01. 2011.godine,

**d o n o s i:**

**O D L U K U**

**o pristupanju izradi izmjena Regulacionog plana „Rasadnik“ Goražde**

**Član 1.**

Ovom Odlukom pristupa se izradi izmjena Regulacionog plana „Rasadnik“ Goražde („Službene novine Bosansko-podrinjskog kantona Goražde“ broj: 13/99 i 12/05).

**Član 2.**

Granicu obuhvata izmjena Regulacionog plana „Rasadnik“ Goražde čine granice Regulacionog plana utvrđene Odlukom o usvajanju i provođenju Regulacionog plana „Rasadnik“ Goražde.

**Član 3.**

Nosilac priprema za izradu izmjena Regulacionog plana „Rasadnik“ Goražde je načelnik Općine Goražde putem Službe za prostorno uređenje, stambeno-komunalne poslove i raseljena lica.

Nosilac izrade navedenog plana bit će odabran u skladu sa odredbama Zakona o javnim nabavkama u Bosni i Hercegovini („Službeni glasnik BiH“, broj: 49/04 i 19/05).

**Član 4.**

Sredstva za izradu Plana bit će obezbijedena iz sredstava koja se nalaze na računu za posebne namjene Općine Goražde.

**Član 5.**

Rokovi izrade Regulacionog plana su:

- Pribavljnje analitičko-dokumentacione osnove i idejno rješenje.....30 dana,
- Izrada prednacrt a i utvrđivanje nacrt a ..... 90 dana,
- Javna rasprava ..... 60 dana,
- Izrada prijedloga RP..... 30 dana,
- Razmatranje i usvajanje plana.

**Član 6.**

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-486  
Goražde, 31.01.2011.godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0594**

Na osnovu članova 18. i 84. Statuta Općine Goražde („Službene novine Bosansko – podrinjskog kantona Goražde“, broj: 13/07), Općinsko vijeće Općine Goražde, na 28. redovnoj sjednici, održanoj dana 27.01.2011. godine, **d o n o s i:**

**O D L U K U**

**o davanju naziva Gradskom stadionu u Goraždu naziv Gradski stadion “Midhat Drljević” Goražde**

**Član 1.**

Ovom Odlukom Gradskom stadionu u Goraždu daje se naziv Gradski stadion “Midhat Drljević” Goražde.

**Član 2.**

Za realizaciju ove Odluke zadužuju se načelnik Općine i Služba za prostorno uređenje, stambeno-komunalne poslove i raseljena lica.

**Član 3.**

Sredstva za realizaciju ove Odluke obezbjedit će se iz Budžeta Općine Goražde za 2011. godinu.

**Član 4.**

Ova Odluka stupa na snagu osmog dana od dana objavljivanja u “Službenim novinama Općine Goražde”.

Broj: 01-02-488  
Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0595**

Na osnovu člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde (“Službene novine Bosansko-podrinjskog kantona Goražde”, broj: 01/08 i “Službene novine Općine Goražde”, broj: 03/08, 01/09 i 04/10) i članova 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07), Općinsko vijeće Goražde na 28. redovnoj sjednici, održanoj dana 27.01.2011. godine

**d o n o s i:****O D L U K U**

**o davanju na korištenje poslovnog prostora u vlasništvu Općine Goražde, Udruženju građana “Yildiz” Bosansko-podrinjskog kantona Goražde**

**Član 1.**

**Općina Goražde** daje na korištenje, na određeno vrijeme, na rok od 5 godina, bez naknade, poslovni prostor površine 20 m<sup>2</sup>, koji se nalazi u ulici Gamal Abdel Ganema b.b. (u prizemlju zgrade Privredne komore Bosansko-podrinjskog kantona Goražde) u Goraždu, **Udruženju građana “Yildiz”**

**Bosansko-podrinjskog kantona Goražde,** za rješavanje poslovnog sjedišta.

### Član 2.

Ovlašćuje se načelnik Općine da zaključi ugovor o korištenju poslovnog prostora iz člana 1. ove Odluke, kojim će se regulisati bliža prava i obaveze ugovornih strana.

### Član 3.

Ukoliko Općina Goražde sa licem iz člana 1. ne zaključi ugovor o korištenju ovog poslovnog prostora u roku od 30 dana od dana stupanja na snagu ove Odluke, ista prestaje da važi.

### Član 4.

Budući korisnik poslovnog prostora iz člana 1. ove Odluke dužan je vršiti redovno održavanje poslovnog prostora, te ga održavati u ispravnom stanju o vlastitom trošku, plaćati režijske troškove (struja, voda, kanalizacija i dr.) kao i ostale zakonom propisane obaveze – PDV, u iznosu od 17,00 KM (20 m<sup>2</sup> x 5 KM = 100,00 KM x 17 % PDV = 17,00 KM).

### Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj:01-02-491  
Goražde, 31.01.2011. godine

**ZAMJENIK PREDSEDavajuće VIJEĆA**  
mr. Kenan Kanlić

**0596**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici, održanoj dana 27.01.2011. godine, **donosi:**

### ZAKLJUČAK

1. Usvaja se Program XIV Internacionalnog „Festivala prijateljstva“ Goražde 2011.
2. Sastavni dio ovog Zaključka je Program XIV Internacionalnog „Festivala prijateljstva“ Goražde 2011.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-497

Goražde, 31.01.2011. godine

**ZAMJENIK PREDSEDavajuće VIJEĆA**  
mr. Kenan Kanlić

Bosna i Hercegovina  
Federacija Bosne i Hercegovine  
Bosansko-podrinjski kanton – Goražde  
Općina Goražde  
JU Centar za kulturu Goražde



### **PROGRAM** **XIV internacionalnog "Festivala prijateljstva"** **Goražde 2011.**

*Novembar, 2010.god.*

S A D R Ž A J

Naziv projekta: **XIV Internacionalni "Festival prijateljstva"**

**Goražde 2011.**

Nosilac organizacije: *JU Centar za kulturu Goražde*

Adresa: *Goražde, Zaima Imamovića br. 2*  
Tel./fax *038 221 344, 061 136 910*

*e-mail: czkgz@bih.net.ba*

*e-mail: glasgorazda@yahoo.com*

*www.centarzakulturu.com.ba*

Vrijeme realizacije: *22. juli - 30. juli 2011. godine*

Ukupan budžet: **195.000,00 KM**

### 1.UVOD

Internationalni «Festival prijateljstva» Goražde 2011. u proteklih trinaest godina potvrdio se kao najznačajniji proizvod i dar Goražda, BiH, regije i mnogo šire. Biti glavni organizator manifestacije je velika čast i još veća obaveza. Festival nije samo kulturna, već mnogo šira manifestacija koja uključuje i oplemenjuje najveće pozitivne ljudske, društvene i

međunarodne vrijednosti. Za XIV po redu Internacionalni «Festival prijateljstva» Goražde 2011. neophodno je uložiti još veće dodatne napore i sredstva od svih sudionika: glavnog organizatora - Javne ustanove Centar za kulturu Goražde, pokrovitelja - Općine Goražde, državnih institucija od Kantona do Ministarskog vijeća BiH – njegovih ministarstava, Predsjedništva BiH i svih sponzora koji svesrdno pomažu ovaj megaprojekat i bez čije pomoći i učešća ne bi mogli ostvariti osnovni i najvažniji cilj da svaki naredni «Festival prijateljstva» bude bolji od prethodnog.

**«Festival prijateljstva» u Goraždu se već potvrdio po kvalitetu i kapacitetu kao najveća kulturna manifestacija u BiH, regiji i šire.**

## 2. O FESTIVALU

Ideja Festivala prijateljstva potekla je od velikih prijatelja iz Udruženja «Bosnia – Bretagne-et Gorazde», sa predsjednicom udruženja Catherine Herve iz Saint Brienc, pokrajine Bretagne Francuska 1997.godine, koja će se pretočiti u praksu 1998. godine, kada je i održan prvi Festival prijateljstva.

**Ideja je naišla na nevjerovatno plodno tlo ovdje, u najljepšem gradu, Goraždu, na rijeci Drini, u BiH, regiji i svijetu.** Odmah narednih godina, Festivalu će se priključiti Udruženje «SOS Balkanes», sa predsjednicom Irene Cormenzane iz San Sebastiana, Baskija Španija.

Inicijatori daju posebnu dimenziju Festivalu i ne može se ni zamisliti Festival bez njihovog angažmana, ali i drugih koji već tradicionalno učestvuju.

Također, na Festivalu imamo učesnike iz drugih zemalja: Njemačke, Italije, Austrije, Hrvatske, Slovenije, Crne Gore, Srbije, Makedonije, Turske, Švajcarske, SAD, Australije, Velike Britanije, Bugarske, Malezije, Danske, Norveške, Portugala, Bosne i Hercegovine i drugih zemalja.

Na Festivalu prijateljstva prijatelji i dobri ljudi Goražda, BiH i svijeta žele da preko prijateljstva, kulturom, igrom i zabavom, kao prijatelj – prijateljima, pomognu Goraždu i BiH u izgradnji zajedničke nam budućnosti u Evropi i svijetu.

Festival prijateljstva je kulturna manifestacija internacionalnog, multikulturalnog i tradicionalnog karaktera.

Odlukom Vlade Federacije BiH iz 2008.godine, Internacionalni «Festival prijateljstva» u Goraždu proglašen je kulturnom manifestacijom od federalnog značaja i interesa.

Festival se održava krajem jula 2011. godine.

Tradicionalno na Festivalu učestvuju predstavnici sa četiri kontinenta: Evrope, Azije, Sjeverne Amerike i Australije, sa preko 1500 učesnika iz više od 20 zemalja.

Na Festivalu učestvuju svakodnevno desetine hiljada posjetilaca.

Festival prijateljstva simbolizira i razvija u sebi civilizacijske i demokratske vrijednosti i dostignuća, koji se ogledaju u susretima različitih kulturoloških svjetonazora iz cijelog svijeta, interkulturalnog prožimanja, širenja prijateljstva i uzajamnog razumijevanja među ljudima i druženje mladih, uspostavljanje trajne mostove prijateljstva, ljubavi i saradnje u Evropi i svijetu.

**U programskom, odnosno, sadržajnom smislu, Festival njeguje gotovo sve forme umjetničkog izraza i stvaralaštva, tako da ga ta dimenzija čini različitim i drugačijim od ostalih kulturnih manifestacija u BiH, regiji i šire. Počevši od gotovo svih formi muzičkog izraza i stvaralaštva (pop, rock, hip-hop, folk, folklor, duhovna, klasična muzika, eksperimentalna muzika sa primjesama modernih efekata i performansi), preko likovnog umjetničkog stvaralaštva, pozorišne, filmske i književne umjetnosti, radionica žongliranja, radionice borilačkih vještina, muzičke radionice, radionice fotografije, radionice muzike i plesa, break-dance i hip-hop radionice, radionice šminkanja itd., pa sve do svijeta modnih sadržaja, uličnih performansi, animacija, akrobacija, cirkuskih vještina, brazilskih i španskih (baskijskih) plesova.**

Na Festivalu prijateljstva zastupljeni su i sadržaji sportsko-turističkog karaktera, što se posebno odnosi na regatu niz Drinu, Međunarodno prvenstvo u kajaku na divljim vodama i druge slične sadržaje, koji svake godine okupe veliki broj učesnika i izmame interesovanje mnogih, a naročito mladih učesnika.

**Festival prijateljstva je prepoznatljiva, jedinstvena manifestacija i spada među najznačajnije kulturne događaje u BiH i šire, koju redovno finansijski podržava Općina Goražde, Vlada Bosansko-podrinjskog kantona Goražde i drugi viši nivoi vlasti u BiH, kao što su: Federalno ministarstvo za kulturu i sport BiH, Ministarstvo civilnih poslova BiH i drugi nivoi i institucije BiH. Festival podržavaju brojni značajni sponzori koji su prepoznali svoju šansu da se predstave na Festivalu. On ima nepodijeljenu podršku građana Goražda, Kantona i šire regije i izazva velike simpatije kod nas i u svijetu.**

## 3. CILJEVI

Cilj organizacije ovog festivala je prvenstveno razvoj najvećih ljudskih, društvenih i međunarodnih vrijednosti, kroz animiranje i aktivnost najmlađih - djece i omladine, kao i svih drugih kategorija stanovništva. Festival na neposredan način uči o univerzalnim vrijednostima i doprinosi razvoju tolerancije, ljubavi, razumijevanja, poštovanja, prevazilaženju predrasuda, očuvanju tolerancije, miroljubivosti, spremnosti za rad,



uzajamno podržavanje, predanost poslu, ideji i drugim - najvećim vrijednostima.

Cilj je stvaranje i širenje osjećaja tolerancije i razumijevanja među ljudima, bez obzira na vjersku, nacionalnu, rasnu ili drugu pripadnost.

**I ovaj Festival prijateljstva potvrđuje da su različitosti prednost i novi pozitivni kvalitet društvenog i međunarodnog života.**

Festival prijateljstva ima za cilj da na najbolji način prezentuje grad Goražde, Bosansko-podrinjski kanton Goražde i BiH u regiji, Evropi i svijetu.

Također, jedan od praktičnih ciljeva je da Festival bude uvršten u Kalendar evropskih kulturnih manifestacija, jer po svom karakteru, različitosti, po broju učesnika i drugim karakteristikama, predstavlja najveće vrijednosti i svakako zaslužuje da bude u kalendaru značajnih kulturnih manifestacija, i kao takav će imati i finansijsku podršku EU.

#### 4. NAČIN REALIZACIJE

Aktivnosti za ovogodišnji Festival traju neprekidno od Festivala do Festivala. Praktično, operacionalizacija počinje sazivanjem i konstituisanjem Organizacionog odbora Festivala i dogovorom oko organizacije načina rada Festivala, uz stalne kontakte sa prijateljima, nosiocima aktivnosti - organizacije iz Francuske, Španije i drugih zemalja.

Organizacioni odbor XIV internacionalnog «Festivala prijateljstva» Goražde 2011. će se konstituisati u januaru 2011. godine.

##### **Sljedeći korak je donošenje odgovarajućih odluka:**

- Formiranje Operativnog tima sa nosiocima aktivnosti - izbor šefa Operativnog tima, šefova pododbora i njihovih članova. – februar 2011.
- Operacionalizacija ovog programa sa konkretnim sadržajima i načinima realizacije, (rok je mart 2011.)
- Međusobni dogovori o zajedničkim i konkretnim obavezama pojedinaca i institucija zaduženih za određene aktivnosti na Festivalu (od aprila do kraja XIV internacionalnog «Festivala prijateljstva» Goražde 2011.)
- Da se sa Osnivačem Centra, Općinom Goražde, intenziviraju odgovarajuće aktivnosti nabavke potrebne opreme za rasvjetu i razglas. Rok – odmah, najdalje intenzivirati aktivnosti do kraja februara.
- O drugim aktuelnim pitanjima.

**Najvažnije aktivnosti organizacije i programski sadržaji Festivala su:**

**Kontakti i dogovori sa našim prijateljima – učesnicima: organizacije iz Francuske, Španije i dr. zemalja**

**Marketing i odnosi sa sponzorima**

**Javne nabavke**

**Logistika**

**Finansije**

**PRESS-služba i odnos sa medijima**

**Ceremonija otvaranja Festivala**

**Radionice za djecu**

**Internacionalna likovna kolonija «Boje prijateljstva» Goražde 2011.**

**Pop-rock muzika**

**Narodna, duhovna i klasična muzika**

**Susreti kulturno – umjetničkih društava (Smotra folklor)**

**Pozorište i film**

**Ljetni sajam knjige i promocije književnosti**

**Ceremonija zatvaranja Festivala**

Nosioci aktivnosti – Operativni tim, odnosno, njegovi poddobra za navedene aktivnosti će izraditi svoje konkretne programe i potrebe dostaviti Oragnizacionom odboru Festivala na usvajanje, za realizaciju istih do 30. marta. Također, prijatelji i svi oni koji to žele, mogu biti sudionici ovog Festivala sa prijavom do navedenog roka.

Organizacioni odbor će do 15. juna usvojiti programske sadržaje XIV iInternacionalnog Festivala prijateljstva Goražde 2011.

Opredjeljenje je organizatora «Festivala prijateljstva» da i u 2011. godini razvija osnovnu ideju i svrhu Festivala: razmjenu i prožimanje kultura zemalja učesnica, da afirmiše kulturno-umjetnički amaterizam i tradiciju u oblasti kulturnog naslijeđa, koje je osnova u prepoznavanju tradicije tih zemalja, i, naravno, da u svim segmentima osnažuje duh Festivala: prijateljstvo među građankama i građanima svijeta.

U tom pravcu, mi ćemo i dalje činiti korake u vraćanju korijenima Festivala, a to znači više mjesta u festivalskim sadržajima za umjetnike koji nisu profesionalci, disperzija događaja na brojne lokacije u gradu i susjednim općinama u Federaciji BiH i općinama u Republici Srpskoj, te razvijanje programa za djecu, kojima i preko kojih Goražde šalje u svijet poruke dobrodošlice, mira i prijateljstva.

Na ovaj način, i kroz zvanične poruke, koje ćemo uputiti preko ambasada u BiH, razvijat ćemo još jednu značajnu ideju u okviru Festivala osnivanjem «Kluba prijatelja» ili «Kluba prijateljstva» koji će, vjerujemo u to, okupljati brojne kosmopolite i prijatelje Goražda, sa svih dosadašnjih Festivala i svaki njegov detalj je vrlo bitan.

Najveća obaveza, ne samo organizatora, je obezbijediti minimalna sredstva za realizaciju ovog mega-projekta. Bez sredstava ne može se računati na dalji razvoj Festivala. To je obaveza svih u Goraždu i BiH. Ističemo posebno značajnim u narednom periodu

pripreme za dječije radionice, volonterizam mladih i njihove programske aktivnosti i esencijalne programe kulture. Goražde ima publiku, čime se može ponositi za najvažnije sadržaje kulture, kao što je ljetni sajam knjige, književnost, film, pozorište, ozbiljna muzika, kulturno naslijeđe, gastronomija, folklor i naši lijepi običaji i bogata tradicija.

Iskoristimo naše mogućnosti održavanja smotre folklor i drugih sličnih sadržaja po principima međunarodne organizacije CIOF-a. To znači da se ponovo vratimo u ovu značajnu međunarodnu organizaciju kulturno-umjetničkih društava, od koje možemo očekivati i značajnu pomoć.

Osnovni principi organizacije CIOF-a su u formuli 4 petice. Učešće pet zemalja, najmanje pet kulturno-umjetničkih društava, da se održava u najmanje pet gradova, da traje pet dana uz osiguranje uvjeta za boravak učesnika.

**Uz navedene sadržaje Festivala, poseban značaj ima ostvarivanje višegodišnje ideje o formiranju «Kluba prijatelja» Goražda.** Članovi Kluba mogu biti svi prijatelji Goražda i Goraždani iz cijelog svijeta, kojih, kao što je poznato, ima više nego stanovnika Goražda. U zajedničkoj saradnji, Klub prijatelja mogao bi dati značajan doprinos razvoju Festivala prijateljstva, ali i ukupnom razvoju. Zainteresovani za članstvo u Klubu prijatelja Goražda mogu se prijaviti na jedan od načina na naše poznate adrese. Klub bi mogao organizovati prigodne sadržaje, od samih susreta, organizacije okruglog stola sa mogućnostima upoznavanja zainteresovanih o uvjetima otvaranja biznisa, poduzetništva i sl.

Učinimo sve da Festival promovira turističko-privredne potencijale ovog podneblja i da **svako sa svoje strane da svoj doprinos da XIV internacionalni Festival prijateljstva Goražde 2011. bude najbolji do sada.**

Programski sadržaj odvijat će se na više mjesta u gradu i susjednim općinama, što je i do sada bila praksa. Cijeli grad bi mogao biti jedna velika pozornica – od ulica, mostova, do bina pred dvoranom «Mirsad Hurić», na trgu, Ljetnom kinu i prostoru Centra za kulturu. U međuvremenu sagledati mogućnost održavanja određenih aktivnosti i na drugim mjestima u gradu i šire.

**Sve navedeno isfinansirati u okvirima raspoloživih sredstava.**

Kao što je više puta istaknuto, koncept Festivala je otvoren za sve zainteresovane učesnike, prije svega, za djecu, mlade i sve druge koji žele dati vlastiti doprinos sa svojim programom ili na drugi način, što je i osnovni moto ovog Festivala.

Ovogodišnji Festival posebno će promovirati volonterizam, uključivanjem što većeg broja mladih, što je originalna ideja ovog Festivala.

Ako je čovjek bogat onoliko koliko ima prijatelja, svojim je prijateljima Goražde ponosno i može da bude najbogatiji grad. Proteklih trinaest Festivala prijateljstva su na najbolji način to potvrdili. Malo je gradova u svijetu koji imaju Festival prijateljstva.

**Festival u Goraždu nije samo kulturna, sportska i zabavna manifestacija. On je mnogo više od toga. Festival je i turističko-privredna manifestacija, koja doprinosi ukupnom društveno-ekonomskom razvoju kako lokalne zajednice - Općine Goražde, tako Kantona, Federacije, BiH i regije.**

\*\*\*

#### Plan prihoda:

1. Općina Goražde.....	110.000,00
2. <u>Ostali sponzori.....</u>	<u>85.000,00</u>
<b>UKUPNO.....</b>	<b>195.000,00</b>

#### Plan rashoda:

1. Narodna, duhovna i klasična muzika.....	30.000,00
2. Susreti folklor.....	7.000,00
3. Pop-rock muzika.....	30.000,00
4. Pozorište i film.....	5.000,00
5. Promocija festivala.....	2.000,00
6. Radionice za djecu.....	3.000,00
7. Ceremonija otvaranja i zatvaranja Festivala.....	2.000,00
8. Smještaj.....	15.500,00
9. Ishrana.....	19.000,00
10. Likovna kolonija.....	9.000,00
11. Razglas i rasvjeta.....	29.000,00
12. Obezbjedenje.....	4.500,00
13. Medijska promocija.....	6.000,00
14. Troškovi dvorane «Mirsad Hurić».....	3.500,00
15. Dom zdravlja « Dr. Isak Samokovlija» Goražde.....	1.000,00
16. Troškovi PDV-a.....	8.000,00
17. Troškovi štampe.....	2.500,00
18. Voditelji i prevodioci.....	3.500,00
19. Operativni tim.....	3.500,00
20. Logistika.....	6.000,00
21. <u>Ostali troškovi.....</u>	<u>5.000,00</u>
<b>UKUPNO.....</b>	<b>195.000,00KM</b>

**Najznačajnija aktivnost u narednom periodu jeste marketing, odnosi sa sponzorima i donatorima Festivala prijateljstva.**

Kao jedna od najvećih kulturnih manifestacija po broju učesnika, posjetilaca i različitosti programa u BiH, regiji i šire, internacionalni Festival prijateljstva je prilika za veliki broj firmi, udruženja i medijskih

kuća da ostvare svoju promociju na najbolji mogući način.

Festival je maksimalno otvoren, sa pružanjem velikih mogućnosti da se ostvare obostrani interesi organizatora i različitih sponzora i donatora. U zavisnosti od interesa na koji način se neko želi predstaviti na Festivalu, otvorene su mogućnosti da se to ostvari u različitim kategorijama:

- Zlatni sponzor je onaj ko finansira Festival u vrijednosti više od 10.000,00 KM
- Srebrni sponzor je onaj ko finansira vrijednost do 10.000,00 KM,
- Sponzor je onaj ko finansira Festival sa vrijednosti do 5.000,00 KM.

Može se finansirati cjeloviti program na određenom mjestu (bini i sl.), sa imenom sponzora i programom željene promocije, u skladu sa zajedničkim dogovorom. Također, moguće je u vlastitoj režiji, po vlastitom izboru, finansirati dio programa Festivala uz odobrenje Organizacionog odbora Festivala.

Organizator će učiniti sve da zadovolji interese svih sponzora i donatora.

Na kraju Festivala organizator će za poseban doprinos učesnicima dodijeliti plaketu **PRIJATELJ XIV Internacionalnog Festivala prijateljstva Goražde 2011.**

***Moto ovogodišnjeg Festivala mogao bi biti «Sve za prijateljstvo, jer čovjek čovjeku je najveći dar».***

#### ***Umjesto zaključka:***

Goražde sa svojim Goraždanima i prijateljima baštini najveće vrijednosti kulture.

Goražde i Bosansko-podrinjski kanton sa regijom je među najbogatijim mjestima kulturno-historijskog naslijeđa, koja i danas svjedoče o hiljadugodišnjem zajedničkom životu najpoznatijih kultura svijeta, od starog Rima, Ilira, katolika, pravoslavnih, muslimana, Jevreja - Sefarda i dr. U proteklom periodu, nikada i ničim, nije se mogla dovesti u pitanje kultura zajedničkog života. To što ima Goražde nema niko. U neposrednoj blizini grada otkriveno je vrlo značajno nalazište iz doba neolita, staro više od 7000 godina, koje je bilo na najvećem stepenu razvoja. Goražde je iznjedrilo svoje velikane, koji su stvorili vrijedna književna i mnoga druga djela svjetske vrijednosti, koja su najbolji dar ovim i budućim generacijama. Goraždani su ponosni na prvu štampariju na Balkanu u Goraždu. Goražde i Bosansko-podrinjski kanton raspoložu sa najljepšim prirodnim uvjetima - rijekom Drinom, sa njenim najljepšim slivom i drugim, prekasnim planinama, visoravnima i poljanama.

Festival je izraz i odraz svega navedenog i mnogo toga drugog. Ko jednom dođe na internacionalni Festival prijateljstva, ostaje trajno vezan uz Goražde.

Budite sretni sudionik najljepšeg mogućeg dara prijateljstva i učestvujte na XIV internacionalnom «Festivalu prijateljstva» Goražde 2011.

***Dobro došli na XIV internacionalni Festival prijateljstva Goražde 2011.***

***Učinimo sa radošću da ovaj Festival bude najbolji do sada.***

Ovaj program je modifikacija prošlogodišnjeg, koji je preveden na engleski, francuski, španski i njemački jezik i nalazi se na našem web-sajtu: [www.centarzakulturu.com.ba](http://www.centarzakulturu.com.ba).

Po usvajanju, Program dostaviti svim relevantnim adresama u BiH, kojese pozvane da na jedan od načina pomognu ovu kulturnu manifestaciju, a program na engleskom i drugim jezicima uputiti na relevantne adrese EU, sa molbom za pokroviteljstvo Festivala.

#### **0597**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici, održanoj dana 27.01.2011. godine, **d o n o s i:**

#### **Z A K L J U Č A K**

4. Zadužuje se Javna ustanova Centar za kulturu Goražde da uradi analizu opravdanosti nabavke razglasa u svrhu njegovog korištenja na „Festivalu prijateljstva“ i u druge svrhe, u smislu finansijske dobiti.
5. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-505

Goražde, 31.01.2011. godine

**ZAMJENIK PREDSJEDAVALA VIJEĆA**

mr. Kenan Kanlić

#### **0598**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici, održanoj dana 27.01.2011. godine, **d o n o s i:**

**ZAKLJUČAK**

1. Utvrđuje se nacrt odluke o usvajanju ažuriranog programa kapitalnih investicija Općine Goražde za period 2011-2015. koji može poslužiti kao osnova za izradu prijedloga odluke o usvajanju ažuriranog programa kapitalnih investicija Općine Goražde za period 2011-2015. sa stavovima i primjedbama na nacrt, koje su iznijela radna tijela Vijeća i vijećnici na samoj sjednici Vijeća.
2. Nacrt odluke o usvajanju ažuriranog programa kapitalnih investicija Općine Goražde za period 2011-2015. upućuje se na javnu raspravu, koju će provesti Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline Općinskog vijeća.
3. Javna će se rasprava provesti u obimu i na nivou svih dvadeset mjesnih zajednica Općine Goražde.
4. Rok za provođenje javne rasprave je 90 dana.
5. O rezultatima javne rasprave Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline podnijeće izvještaj Općinskom vijeću sa svim iznesenim primjedbama i mišljenjima o pojedinim pitanjima.
6. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-501

Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0599**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici, održanoj dana 27.01.2011. godine, **d o n o s i:**

**ZAKLJUČAK**

1. Da isključivo Odjel za lokalni ekonomski razvoj pri kabinetu načelnika prikuplja prijedloge kapitalnih projekata od mjesnih zajednica, javnih ustanova, građana i dr. te da vrši njihovo ažuriranje.
2. Da, nakon ažuriranja Programa kapitalnih investicija i obavljenih javnih rasprava, usvojenu Odluku o ažuriranju Programa kapitalnih investicija od strane Vijeća, Služba za lokalni ekonomski razvoj dostavlja Službi za finansije, trezor i

privredu svake godine prilikom izrade nacrta Budžeta.

3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-502

Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0600**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici, održanoj dana 27.01.2011. godine, **d o n o s i:**

**ZAKLJUČAK**

1. Utvrđuje se Nacrt odluke o izmjenama i dopunama Poslovnika Općinskog vijeća Općine Goražde, koji može poslužiti kao osnova za izradu prijedloga Poslovnika Općinskog vijeća Općine Goražde sa stavovima i primjedbama na nacrt koje su iznijela radna tijela Vijeća i vijećnici na samoj sjednici Vijeća.
2. Nacrt Odluke o izmjenama i dopunama Poslovnika Općinskog vijeća Općine Goražde upućuje se na javnu raspravu koju će provesti Komisija za statutarne pitanja i propise Općinskog vijeća.
3. Javna će se rasprava provesti u obimu i na nivou jedne javne rasprave organizovane u velikoj sali Općine Goražde.
4. Rok za provođenje javne rasprave je 30 dana.
5. O rezultatima javne rasprave Komisija za statutarne pitanja i propise podnijet će izvještaj Općinskom vijeću sa svim iznesenim primjedbama i mišljenjima o pojedinim pitanjima.
6. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-500

Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0601**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici održanoj dana 27.01.2011. godine, **d o n o s i**:

**Z A K L J U Č A K**

1. Zadužuje se Služba za prostorno uređenje, stambeno-komunalne poslove i raseljena lica da prilikom pristupanja realizaciji Odluke o izmjenama Regulacionog plana „Rasadnik“ Goražde, pristupi sljedećem:
  - Strogo vodi računa o poljoprivrednom zemljištu u skladu sa Zakonom o poljoprivrednom zemljištu („Službene novine Federacije Bosne i Hercegovine“, broj: 52/09) i bonitetnoj karti zemljišta;
  - Da izradi projektni zadatak i o istom obavi javnu raspravu sa građanima i privrednicima;
  - Da prije davanja projektnog zadatka projektantskoj kući koja će po javnom tenderu dobiti posao, dobije saglasnost Općinskog vijeća.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-499

Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0602**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici održanoj dana 27.01.2011. godine, **d o n o s i**:

**Z A K L J U Č A K**

1. Usvaja se Izvještaj o realizaciji zaključaka sa predhodne 27. redovne sjednice Općinskog vijeća.
2. Zaključak stupa na snagu danom donošenja, a biće objavljen u „Službenim novinama Općine Goražde“.

Broj: 01-05-498

Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0603**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici održanoj dana 27.01.2011. godine, **d o n o s i**:

**Z A K L J U Č A K**

1. Usvaja se Izvještaj XIII Internacionalnog „Festivala prijateljstva“ Goražde 2010. godine.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-504

Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić

**0604**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na dvadeset osmoj redovnoj sjednici održanoj dana 27.01.2011. godine, **d o n o s i**:

**Z A K L J U Č A K**

1. Da se u ažurirani Program kapitalnih investicija uvrste svi projekti koji nisu realizovani u prethodnom periodu, a koji su bili sastavni dio Programa kapitalnih investicija Općine Goražde za 2009-2013.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-503

Goražde, 31.01.2011. godine

**ZAMJENIK PREDSJEDAVAJUĆE VIJEĆA**  
mr. Kenan Kanlić



## SADRŽAJ

0585	<b>O D L U K U</b> o davanju na korištenje poslovnog prostora u vlasništvu Općine Goražde Udruženju demobilisanih boraca Armije BiH Bosansko-podrinjskog kantona Goražde	301
0586	<b>O D L U K U</b> o davanju na korištenje poslovnog prostora u vlasništvu Općine Goražde Udruženju Savez dobitnika najvećih ratnih priznanja Bosansko-podrinjskog kantona Goražde	302
0587	<b>O D L U K U</b> o davanju na korištenje poslovnog prostora u vlasništvu Općine Goražde, Udruženju "Josip Broz Tito" Goražde, Udruženju antifašista i boraca NOR-a 1941-1945. godine i Udruženju logoraša Bosansko-podrinjskog kantona Goražde	302
0588	<b>O D L U K U</b> o produženju ugovora o davanju na korištenje poslovnih prostorija u vlasništvu Općine Goražde Bošnjačkoj zajednici kulture "Preporod" u BiH - Općinsko društvo Goražde	303
0589	<b>O D L U K U</b> o izmjeni Odluke o izmjenama naziva ulica, trgova, mostova i ustanova na području općine Goražde	303
0590	<b>O D L U K U</b> o ustupanju na upravljanje dječjih igrališta	304
0591	<b>O D L U K U</b> o dopuni Odluke o izmjenama naziva ulica, trgova, mostova i ustanova na području općine Goražde	304
0592	<b>O D L U K U</b> o davanju u zakup garaže u vlasništvu Općine Goražde	305
0593	<b>O D L U K U</b> o pristupanju izradi izmjena Regulacionog plana „Rasadnik“ Goražde	305
0594	<b>O D L U K U</b> o davanju naziva Gradskom stadionu u Goraždu naziv Gradski stadion "Midhat Drljević" Goražde	306
0595	<b>O D L U K U</b> o davanju na korištenje poslovnog prostora u vlasništvu Općine Goražde, Udruženju građana "Yildiz" Bosansko-podrinjskog kantona Goražde	306
0596	<b>ZAKLJUČCI</b>	307

---

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik sekretar Općinskog vijeća Općine Goražde, Samir Kanlić tel: +38738221161 i pomoćnik načelnika Službe za javne servise i tehničke poslove, Sanid Zirak tel: +38738221796.

Štampa **GRAFOMERX** Goražde